

四庫全書

子部

欽定四庫全書

子部

聖濟總錄纂要卷十九

二十

詳校官太醫院醫官_臣姜晟

編修_臣倉聖脈覆勘

總校官降調編修_臣倉聖脈

校對官修撰_臣吳錫齡

謄錄監生_臣

張裕曾

欽定四庫全書

聖濟總錄纂要卷十九

休寧程林纂

口齒門

口齒總論

論曰足太陰脾之經其氣通於口足陽明胃之經手陽明大腸之經其脈並夾於口故其腑臟風邪溼熱發於經則於是有口吻之疾牙齒者骨之所終髓之所養也

又手陽明之支脈入於齒故骨髓之氣不足與夫陽明之脈虛不能有所滋養於是有牙齒之疾牙齒之疾其候甚多治療之法固不得畧也養生方云雞鳴時叩齒三十六下食畢令啄齒皆宜長行之令齒不蠹去蟲又早朝未起漱口中玉泉令滿口嚥之啄齒二七遍去蟲牢齒千金又曰每旦以鹽一捻內口中以煖水揩漱及叩齒百徧為之不絕不過五日即牢密若此之類皆簡易可行行之有效不可忽也

口瘡

論曰口瘡者由心脾有熱氣衝上焦熏發口舌故作瘡也又有胃氣弱穀氣少虛陽上發而為口瘡者不可執一而論當求所受之本也

當歸膏方 治口爛生瘡水漿不下

當歸

一兩

射干 升麻 附子

各半兩

白蜜

四合

猪脂

五兩

除蜜外并剉先煎脂化去滓入諸藥慢火煎候附子

色黃又去滓入蜜更煎如膏以瓷器盛每服如杏核
大含之日三五度嚙津不妨

黃連膏方 治口瘡并咽喉塞

黃連

三兩

豬脂

一斤

白蜜

四兩

羊髓

兩

研二

以慢火煎豬脂取油去渣入黃連又煎令黑色下羊
髓髓化以綿濾去滓入蜜更煎成膏瓷盒盛每含一
棗大日三五度嚙津不妨

燒肝散方 治口瘡久不差

茵陳蒿 犀角屑 石斛 白朮 柴胡

各半兩

芍藥

吳茱萸

湯浸三遍

紫參

桔梗

防風

桂

心

人參

白蕪荑

各一分

每服五錢以白羊肝五兩切去筋膜入葱白一莖細

擘相和濕紙三五重裹慢火煨熟空腹頓服米湯下

巴戟散方 治元臟虛冷上攻口瘡

巴戟天

一兩

白芷

半兩

高良薑

為末一錢

為細散用猪腰子二隻去筋膜每一隻入藥散一錢

用紙溼裹煨熟乘熱去紙以口吸熱氣有涎即吐候
冷細嚼服之

生薑煎方 治口瘡疼痛

生薑

取汁一盞

白沙蜜

三兩

用煎十沸用瓷器盛時時以熱水調一匙含嚥之

柳花散方 治口瘡

黃檗

一兩

澱花

半兩

為散臨卧乾摻誤嚥亦不妨

升麻含汁方 治口瘡

升麻

不拘多少

一味含一里嚥津

升麻飲方 治口內生瘡齒斷肉爛

升麻 黃連 羚羊角 玄參 麥門冬 黃芩

葛根 甘菊花 防風 羌活 大黃 各半兩 人

參

三分

甘草

炙

知母

各一分

每服三錢水煎食後溫服

玄參湯方 治心肺壅熱口内生瘡胸膈痰逆

玄參 茅根 羌活 竹茹 木通 羚羊角

升麻

各半兩

黃連

苦竹葉

人參

半夏

浸去滑各

三分

甘草

炙一分

每服三錢入生薑三片同煎溫服食後再服

玄參丸方 治口瘡

玄參 天門冬 麥門冬

各一兩

為末鍊蜜和丸如彈子大每用一錢丸綿裹含花嚙津

口糜

論曰膀胱移熱於小腸隔腸不便上為口糜夫小腸之脈絡心循咽下膈抵胃陰陽和平水穀入胃小腸受之通調水道下輸膀胱今熱氣厥逆膀胱移熱於小腸胃之水穀不得傳輸於下則令腸膈塞而不便上則令口生瘡而糜爛也大抵心胃壅熱則必熏蒸於上不可槩以傳藥當求其本以治之

大青丸方 治口糜生瘡久不差及心脾中熱乍發乍退

大青

去根

甘草

炙

枳殼

炒

苦參

各三分

生乾

地黃

焙

升麻

各一兩

黃連

半兩

共為末鍊蜜丸如梧桐子大每服二十九食後熟水

下日二服

升麻丸方 治口糜生瘡

升麻

黃連

黃檗

炙

杏仁

各一兩
去皮尖

將上三味為末次研杏仁如膏鍊蜜三兩以藥末并杏仁和為丸如彈子大每服一九含化嚥津

口吻瘡

論曰口吻瘡者其瘡發於脣吻之間疼痛微腫溼爛有汁世名燕口又名肥瘡此由脾胃有熱隨氣熏蒸因上攻於口脣與津液相搏所致

芎藭丸方 治口吻瘡

芎藭

二兩

白芷 陳橘皮

去白

黃連

各半兩

為末鍊蜜和丸如梧桐子大每服二十九甘草湯下不拘時候

麝香散方 治口吻生瘡久不差

人中白

研

麝香

研各一錢

再研勻塗瘡上

葵根散方 治口吻瘡

取秋葵根一握燒作灰研為散傳之

口舌生瘡

論曰口舌生瘡者心脾經蘊熱所致也蓋口屬脾舌屬心心者火脾者土心火積熱傳之脾土二臟俱蓄熱毒

不得發散攻衝上故令口舌之間生瘡腫痛

烏犀湯方 治口舌生瘡

犀角屑

分三

羚羊角屑

分三

丹砂

分三

黃芪

兩半

大黃

分一

升麻

兩半

生乾地黄

兩一

射干

分一

天

門冬

生者去心一兩

玄參

分三

甘草

炙一兩

每服三錢水煎食後溫服

防風散方 治口舌生瘡

防風

兩一

龍膽

兩一

生地黄

兩二

沉香

兩半

升麻

兩半

每用二錢入鹽少許沸湯調勻指齒含嚥便睡

茯神丸方 治積年口舌瘡諸方不瘥

茯神

一兩

白朮

一兩

旋復花

半兩

縮砂蓉

三分

去皮

大黃

煨半兩

芍藥

半兩

桂心

三分

郁李仁

一兩

大

麻仁

別研二兩

人參

半兩

枳殼

炒三分

訶梨勒

一兩

兩

厚朴

薑汁炙一兩

白檳榔

三分

白鮮皮

半兩

陳橘皮

半兩

皮

去白一兩

地骨白皮

半兩

兩

為末鍊蜜和丸如梧桐子大每服二十九空心粥飲
下加至三十九

口殍

論曰口殍者脾之候心脾或熱蘊積於胃變為腐臊之
氣停聚不散隨氣上出熏發于口故令殍也

升麻散方 治口殍生肌長斷

升麻

二兩

防風

一兩

當歸

白芷

各半兩

川芎

藁本

各三分

麝香

一分

甘草

炙半兩

木香

細辛

各一分

每用一錢傳齒根下甚者綿裹含化嚙津

七香丸方 治口及身殭

白豆蔻仁 丁香 藿香 零陵香 青木香

白芷 桂心 香附子 甘松香 當

歸 各半兩

檳榔 二枝

沉香 一兩

為末鍊蜜和丸常含一九大豆大咽汁日三夜一亦

可常含咽汁五日口香十日體香二七日夜被香三

七日下午風人聞香四七日洗手水落地香五七日把
他人手亦香慎五辛下氣去殍

芎藭散方 治心虛寒口殍蟲蝕齒痛

芎藭 白芷 各一兩 甘草 炙三分 桂心 去麁皮 杜

衡 各半兩 當歸 切三分

為散食前煖酒調下一錢日二服三十日體皆香即

差

草豆蔻丸方 治心脾蘊熱隨氣上熏發為殍

草豆蔻仁

丁香

各一兩

麝香

一分

藿香葉

零陵香

桂心

莎草根

去毛

木香

白芷

當歸

檳榔

各半兩

為末鍊蜜和丸如雞頭大每含化一丸嚥津液日三丸

脣瘡

論曰脣瘡者以脾胃有熱熱氣循經而外發於脣故生瘡也蓋足陽明之脈下循鼻外入上齒縫中還出挾口環脈內經謂脾之合肉也其榮脣也是故脾胃之經與

脣相應熱氣乘經而衝發所以脣為之生瘡

硫黃膏方 治脣瘡及緊瘡久不差

硫黃

研

白礬

枯研

丹砂

研

水銀

麝香

研

黃礬

各一分
為末

同研候水銀星盡用臘月豬脂和如泥先拭令淨後以膏塗之日三五上即差

五倍子散方 治口脣生瘡

五倍子

去心中虫

槐花

擇

等分為細散每用蜜傅脣上如瘡口乾以葱汁調上
治瀰脣瘡方

鯉魚血

一味取血磨墨相和塗之差

脣生核

論曰脣生核之候大槩與脣瘡緊脣相類然其腫至於
生核者蓋足陽明與太陰為表裏臟腑俱有風熱風熱
之氣衝發二經與血氣相搏而為脣腫外復為風冷所

乘血氣凝結聚而不散故生核也

防風湯方 治脾胃蘊積熱氣復為風冷所搏脣邊生

核結硬疼痛

防風

去叉
半兩

菊花

一兩

升麻

半兩

獨活

半兩

黃芩

半兩

知貝

半兩

玄參

半兩

生乾地黃

半兩

藁本

半兩

大黃

炒半兩

梔子

半兩

前胡

半兩

桔梗

半兩

甘草

炙

麥門冬

各半兩

每服用三錢水煎食後溫服日三

黃連散方 治脾胃積熱風冷乘之脣結核

黃連

去鬚

升麻

龍膽

各一兩

為散綿裹如彈子大臨卧新汲水浸過含化嚥津

治脣生核腫痛如彈方

牛膝

燒灰存性研

先以鍼刺出惡血次用藥少許以新汲水調塗核上
治脣黑腫生核痛痒不可忍方

古銅錢

青者四文

放石上以臘月豬脂磨取汁塗之

重舌

論曰重舌者以心脾二經蘊伏熱氣循緣經絡上衝舌木遂令舌下血脈脹起如小舌狀故謂之重舌蓋心開竅於舌足太陰之脈屬脾絡胃上膈挾咽連舌本散舌

下故也

紫雪服之甚効

牛黃散方 治重舌

牛黃

研

人參

各半兩

白茯苓

三分

大黃

炒半兩

當歸

一分

甘草

炙半兩

丹砂

研半兩

為散每服半錢溫水調下甚者加至一錢食後服

舌腫強

論曰心氣通於舌脾脈挾咽連舌本散舌下心脾二經受風邪則舌本強不能卷舒久或熱氣加之則腫腫則脈筋脹急勢連咽喉礙於呼吸法宜刺之洩去惡血及餌以藥

白茯苓湯方 治舌腫強

白茯苓 牛黃

研各三分

犀角

屑一分

甘草

炙

人

參

羚羊角

屑

熟乾地黃

白朮

桂

各半兩

每服三錢水煎溫服日三

百草霜方 治舌忽緊硬逡巡能塞煞人者

百草霜 好鹽

各半兩

同研勻表裏塗之立效

麝蟲散方 治舌腫滿口言語不得

麝蟲

五十枚

鹽

半兩

細研為末每服以水煎熱含冷吐以差為度

螵蛸散方 治木舌腫強

桑螵蛸

十二月
者炙黃

每服半錢菜菔汁調下

蚯蚓塗方 治舌腫滿塞喉欲死

蚯蚓

一條

以少許鹽花化為水塗咽喉舌上良久漸消

牙齒歷蠹

論曰牙齒歷蠹者腎虛弱也骨髓不固氣血衰耗不能
榮潤於牙齒故令人牙齒黯黑謂之歷蠹

麝香散方 治齒歷蠹

麝香

一匙

定粉

一錢

黃蠟

半兩

細研前二味鎔蠟調之攤在紙上每臨卧時剪作片
子貼所患齒上

升麻散方 治牙齒歷蠹齒根黯黑

升麻 槐枝灰

各半兩

白附子 蜜陀僧

煨

露蜂房

各一分

為散入地黃汁一合和勻陰乾每用揩齒

牙齒疼痛

論曰牙齒疼痛有二手陽明脈虛風冷乘之而痛者謂之風痛蟲居齒根蝕侵不已傳受餘齒而痛者謂之蟲痛二者不同古方有塗傳漱潔之藥治去風蟲用之各有法也

細辛散方 治牙齒疼痛頭面浮腫喫冷熱物不得

細辛 芎藭 藁本 獨活 地骨皮

各一兩

半兩

蒺藜子

三分

為散綿裹如江豆大含化嚥津每日三五度易之去
膈間風熱若患頭風鼻塞先以油塗頂心以手摩一
二百遍次用散一錢又摩頂心依前法

地骨皮湯方 治牙齒疼痛吃物不得

地骨皮

一兩

細辛

半兩

生乾地黄

一兩

戎鹽

一分

每用五錢以水煎三五沸熱漱冷吐以差為度

地黃湯方 治牙齒痛

生乾地黃

三兩

獨活

一兩

咬咀每用五錢以酒一盞浸一宿煎十餘沸熱漱冷吐以差為度

柳枝湯方 治齒痛連牙額疼

柳枝 槐枝

黑豆

各一合

蜀椒

炒去目半兩

青鹽

細辛 羌活

各一分

除椒鹽外剉先以水六盞煎取二盞入椒鹽再煎一

齒通口漱之不拘時候以差為度

齒蠶

論曰齒蠶如疳蠶蟲之證齒根先露壞爛膿血俱出口
內氣息益緣臟腑壅滯熏發上焦攻衝齒牙又有嗜肥
甘過多或宿食在齒根不能漱去致腐殍之氣淹漬而
成者

雄黃膏方 治齒蠶蟲蝕牙齒

雄黃

別研半兩

牛酥

五兩

黃蠟

白蜜

各一兩

膏本

三分

丹砂

別研一分

藜蘆

一分

升麻

川芎

白芷

杏仁

去皮尖雙仁各半兩

除別研藥并蜜蠟外餘細剉先於鐺中以酥煎所剉藥候杏仁赤黑色去渣下蜜蠟煎二十沸候膏成續下別研藥攪勿住手候凝成膏於瓷器盛每以少許塗齒病處或蟲孔中點之大驗

薔薇根膏方

治齒墮

薔薇根

二兩

地骨皮

一兩

葱根

一兩

胡粉

一兩

白

蠟一分

前三味俱剉以水二大盞煎至半盞以重抄紙半張浸之暴乾更濕浸汁盡為度乾了以粉蠟塗之於上剪作條子夜卧貼之神效

細辛散方 治齒蠱齒根腐爛

細辛

二兩

川升麻

二兩

地骨皮

二兩

角蒿

二兩

牛膝

二兩

生地黃

五兩

都燒為灰細研每夜臨卧傳齒根或以蠟紙上貼之

至旦即去

黃礬散方 治疔腫齒根宣露

黃礬

燒灰一分

麝香

研一錢

乾蛤殼

燒灰研一分

防風

去

獨活

各一兩

除別研外為散以煖漿水漱口後用藥貼齒根上有涎即吐出日再貼即差

藜蘆散方 治齒疔風腫疼痛不止

藜蘆

蜀椒

去目炒

附子

各一分

麝香

研一錢

先以三味為散次下麝香和勻每用一錢綿裹置所患處有涎吐之

蟲蝕牙齒

論曰字書謂凡動皆風蟲以風化蓋手陽明脈入於齒其經虛損骨髓不榮風邪乘之攻入於齒毒氣與溼相搏而生蟲故云蟲蝕牙齒也其狀齒根有竅或作疼痛甚則搖動宣露浮腫作殍世俗亦呼為蚰牙

玉池散方 治蟲蝕牙齒蚰蚰風痒搖動疼痛及牙宣

出血氣息浮腫等疾

地骨皮 白芷 升麻 防風 細辛 芎藭

槐花 當歸 藁本 甘草

共十味等分搗羅為末散常用揩牙良久以溫水漱
次用藥散二錢生薑三片黑豆三十粒同煎含冷吐
附子丸方 治久患牙疼及齒疳

附子

一兩去皮
臍生用

蜀椒 草撥 黃蠟

各一分

四味搗羅三味為末鎔蠟和丸如梧桐子大每用綿

裏一丸以患牙咬之如虫安在虫竅內

比金散方 治牙疼不止去風虫神仙功效

雄黃

不拘多少

一味研細隨左右疼處以刺耳子送入耳中立止

治牙齒風虫疼痛方

烏頭

去皮臍

芎藭

甘草

地骨皮

細辛

高良薑 白芷

等分

共七味搗羅為散以指點藥指於痛處出涎以溫水

漱三五度即差

腎虛齒風痛

論曰腎主骨髓齒者骨之餘而髓之所養也足少陰經
虛氣血不能榮養骨髓故因呼吸風冷或漱寒水冷則
令齒痛而不已

地黄丸方 治腎臟虛食冷熱齒皆痛

生地黄一兩 白茯苓 防風 獨活 枸杞子

山藥

各半兩

右六味搗羅為末鍊蜜丸如梧桐子大每空心煎棗湯下十九至十五丸

鷄腸草散方 治腎虛齒痛指牙烏髭鬚駐顏

鷄腸草 白礬 訶梨勒皮 懷香子 旱蓮子

晚蠶沙 青鹽 茜根 皂莢 各一兩 麻粳 半兩

共十味除礬并青鹽懷香蠶沙外各剉半寸用瓷瓶一枚開口入諸藥在內紙筋鹽泥固濟以炭火半秤煨盡火放冷取出研如粉早晨食後夜卧指三兩上

項之漱口

齒風腫痛

論曰齒風腫痛者齒根虛浮牙齒疼痛或過呼吸風冷其痛愈甚則斷臑腫赤乃至動搖此蓋手陽明經虛風客其脈流注齒間故為齒風腫痛之患也

芎藭湯方 治風齒疼腫及口殞

芎藭 當歸 獨活 細辛 白芷

各兩

共五味搗為末每用五錢水煎熱含冷吐如此三五

次易取差為度

革撥散方 治諸陽氣虛風攻牙齒疼痛不任寒熱嚼

物隱痛

革撥 苦參 防風 升麻

各三兩

蒙本一分

共五味搗羅為散每三錢水煎熱漱冷吐

皂莢湯方 治諸風齒疼痛

皂莢

一挺去皮子
炙令黃色

露蜂房

一枚
劈碎

鹽一分

三味劈剉分為三貼每貼以漿水煎熱漱冷吐

齒斷腫

論曰足陽明之脈起於鼻交頰中旁約太陽之脈下循
鼻外入上齒中手陽明之脈其支者從缺盆直入上頸
貫頰下入齒縫中若其經虛風熱所襲傳流齒牙攻注
斷肉則致腫痒甚者與斷間津液相搏化為膿汁或血
宣而不已

黃芩湯方 治齒斷腫痛及蟲蝕

黃芩 甘草 當歸 細辛 蛇床子

各一兩

桂心

各一兩

右六味共搗篩為粗末每用五錢酸漿水一盞煎十

沸熱含冷吐

地骨皮散方 治骨膈風牙齒宣露腫痒浮動疼痛作

時或斷爛生瘡兼治大人小兒口瘡

地骨皮

麥蘖

各一兩

豬牙皂莢

半兩

青鹽

一分

右四味同搗碎入鍋炒搗羅為散每用先以鹽漿水

嗽口搽擦

風疔

論曰風疔之病其候膈斷虛腫牙齒動搖侵蝕齒根腐
殞脫落下攻斷頰損爛膿血俱出者是也蓋緣手足陽
明之經氣虛風邪熱毒在胃蘊積日久上熏胸間攻發
口齒故成斯疾

升麻細辛散方 治風疔痒痛侵蟲斷爛

升麻 細辛 藁本 防風 芍藥 凝水石

各研

一
兩 甘草 炙半

兩

右七味搗研為散取少許貼齒痒處又取一錢綿裏含化嚥津常令藥味相接為佳

治風疳出血及牙齒浮動牢牙散方

皂莢

五挺燒存性
小者用十挺

附子

一枚
生

乳香

研半兩

麝香

研少許

四味搗研為末如常揩齒良久漱之頻用為妙

齒間出血

論曰邪僭熱在上流傳於手陽明之脈注於齒間則令

齒斷虛腫甚者齒間出血蓋血性得溫則宣流故也

龍腦散方 治牙齒疼痛斷間血出去口氣辟風冷

龍腦

研一分

蔓荊實 細辛

升麻

各一兩

共四味搗羅三味為散入龍腦拌勻每用半錢揩齒良久以溫湯漱口

胡粉散方 治牙宣血出不止

胡粉

半兩

麝香

研半錢

二味同研為散臨臥淨揩牙漱口 且兼能牢牙

齒齲

論曰齒齲之病由風熱邪氣客於手足陽明二經其狀
斷腫或腫膿出而殞久則侵蝕齒斷宣露一名風齲
蜀椒湯方 治牙齒風齲疼痛

蜀椒

去目并
合口者

芎藭

細辛

升麻

莽草

防風

黃芩

各一分

右九味搗篩每用五錢水煎熱漱冷吐

白礬散方 治齲齒斷腫出膿汁

白礬

一分
燒灰

蟾酥

半分

乾蝦蟇

麝香

半分

雄黃

半分

熊膽

一分

右六味搗羅為散每用半錢傳牙根

牛膝散方

治牙齒風齩疼痛解骨膈風毒氣

牛膝

一兩
燒為灰

為末以少許著齒間含之

又方 取郁李根一握切水一盞煎至六分熱含之吐

出蟲長六分黑頭蟲

牙齒動搖

論曰手陽明支脈入於齒足太陽之脈又徧於齒為骨之所終髓之所養若經脈虛風邪乘之血氣損少不能榮潤故令動搖也

治齒風動搖捍齒牢牙方

丹砂

別研
一兩

青礬

別研
半兩

白礬

別研
半兩

馬牙硝

別研

半兩

防風

半兩

細辛

半兩

黃蠟

一兩

麻油

三兩

松

節

二兩

當歸

半兩

松脂

二兩

黃芪

一兩

臘月豬脂

半斤

右十三味除脂蠟油外並細剉先於鐺中煎脂濾去滓次下油煎三兩沸續下剉藥煎十餘沸以綿濾去滓再下蠟並別研藥慢火養成膏於瓷器盒盛每用少許塗傳患處即差

防風湯方 治齒根出露動搖疼痛

防風

兩 一

蔓荊子

兩 一

細辛

兩 半

川升麻

兩 半

地

骨皮

兩 半

赤茯苓

兩 半

芎藭

兩 一

共七味都剉碎和勻每用半兩以酒水同煎熱含就

於患處良久冷即吐含盡為度日二此一劑永差矣
地黄丸方 治齒動搖

生地黄

五斤粗
者取汁

山藥

四兩

枸杞根

三兩
大者

人參

一兩

白茯苓

四兩

右五味先煎生地黄汁搗諸藥末用好酒一斗別煎
至三升入煎下地黄汁同再煎入白蜜一斤酥少許
煎候可丸即成丸如小豆大每服酒下二十九日三
服加至五服

咽喉門

咽喉統論

論曰咽門者胃氣之道路喉嚨者肺氣之往來一身之中氣之升降出入莫急于是詳攷經絡流注即咽喉所繫非特肺胃為然故孫思邈曰應五臟六腑往還神氣陰陽通塞之道也又人之氣血與天地相為流通咽喉尤為出納之要故內經曰喉主天氣咽主地氣若臟熱則咽門閉而氣塞甚則咽門破而聲嘶以至腫痛喉痺

生瘡懸癰之屬與夫哽塞如有物妨悶疼痒多涎唾其證不一不可槩以實熱為治大率熱則通之寒則補之不熱不寒依經調之湯劑蕩滌之外復有鍼刺等法要皆急治時不可緩非若腑臟積久之病磨化調養之可比也

比也

一切咽喉病紫雪為要藥

升麻湯方 治喉中痛閉塞不通

升麻 木通 各一兩 射干 絡石 芍藥 羚羊

角

鎔三分

淡竹葉

杏仁

去皮尖雙仁炒各半兩

共八味除竹葉外搗篩每服三錢水煎入竹葉七片
煎至六分溫服日三

喉痺

論曰喉痺謂喉裏腫塞痺痛水漿不得入也治稍緩殺
人由脾肺不利蘊積熱毒外犯寒邪二經壅熱結於喉
間痺而不通其狀身熱惡寒治法有先鍼而後藥者可
謂之急先務矣

射干丸方 治喉痺腫塞

射干一兩

香豉一合

杏仁去皮尖雙仁炒

芎藭 犀角

各二兩

升麻一兩

甘草炙半兩

右七味搗羅為末鍊蜜丸如小彈丸大每服一九含化嚥津日可三五服

治咽喉閉塞不通方

大黃末

一分

蝸牛

二七條

白礬末

馬勃

一分

四味於五月五日午時用白梅肉蝸牛同研和丸如棟實大如患者開口不得即以水磨用竹管子吹下

喉中立差如輕者以綿裹含化一九

透關散方 治男子婦人喉痺口噤牙關緊

雄黃

研

豬牙皂莢

蜜炙去皮

藜蘆

各一分

三味研為散每用一匙分彈入兩鼻中關透處即差
逡巡不救方 治急喉痺

皂莢

去皮子生半兩

一味擣為末每服少許筋頭點腫處更以醋調藥末
厚塗項下須臾便破血出即愈

馬喉痺

論曰馬喉痺之狀勢如奔馬喉間痺痛腫連頰骨壯熱煩悶數數吐氣者是也此蓋脾肺不利熱毒攻衝發於咽喉所致

生犀丸方 治熱衝喉間連頰腫數出氣煩滿

犀角 枳實 射干 海藻

洗去鹹

升麻

各一兩

杏仁

去皮尖雙仁研

白附子 百合

一兩半

胡黃連

蒺藜子

各三分

右十味搗羅為末鍊蜜丸如彈子大每服一九綿裹
嚥津不計時

天門冬丸方 治馬喉痺咽喉腫痛唇焦舌乾顙頰連

腫

天門冬 玄參 惡實

炒各一兩

百藥煎

半兩

人參

一分 紫蘇

半兩

甘草

炙一分半

蓬砂

研一分

龍腦

一分

右九味搗研為細末鍊蜜和丸如皂子大每服一九
食後臨臥熟水下

治馬喉痺腫連頰吐氣方

馬銜鐵具一

以水三升煎至一升細細含嚥

龍腦散方 治馬喉痺頰咽痛

白龍腦研細

牛黃研細

犀角屑

羚羊角屑

玄

參馬牙硝研細

沉香

甘草

剉炙

硃砂

以上各一分

蓬砂

研一錢

升麻

兩半

右十一味除龍腦牙硝搗篩為散每服三錢水一盞

竹葉七片同煎去滓溫入龍腦馬牙硝一錢攪令勻
細細含嚥

咽喉生癰

論曰肺氣上通於喉嚨胃經外連於咽嗑其氣和平則
呼吸嚥納無所妨礙若脾肺壅熱熏發上焦攻於咽喉
結聚腫痛不得消散熱氣熾盛致結成癰妨害吐納古
方論一寸為癰二寸至五寸為癰其候使人寒戰欬吐
稠濁善用鍼者辨其可刺宜速破之仍施以點餌之劑

天門冬煎方 治喉癰咽噤不利

生天門冬

汁二升

人參

一兩

生麥門冬

汁一升

生薑

汁一升

桂

一兩

半夏

湯浸七遍暴乾一兩

赤茯苓

二兩

生

地黃

汁一升

牛黃

研半兩

甘草

三分

右十味除四味汁外餘六味為末先以天門冬麥門冬汁煎減半次入生薑汁又煎減半次又入地黃汁并餘六味末同煎汁欲盡即入白蜜一斤酥四兩同煎成以瓷盒盛不拘時以溫水調下一匙以差為

度

射干湯方 治喉癰咽噎腫塞及心肺熱極吐納不利

射干

半兩

升麻

大黃

生用

惡實

生用

各一兩

木通

馬蘭子

炒半兩

右六味搗篩每服三錢竹葉七片水煎去滓下馬牙硝半錢攪令勻不拘時候細細溫服

尸咽喉

論曰道家服藥務先去三蟲者以其為人害也尸咽之

病亦本如此巢氏謂腹中尸蟲上蝕咽喉能令生瘡或
或痒或痛如蠶候者是也善攝生者儻未能除去亦當
服藥治之勿使妄動則善矣

黃檗湯方 治尸咽喉閉塞出瘡及乾嘔頭痛食不下

黃檗

炙半兩

升麻

木通

各一兩

竹茹

三分

麥門

冬

半兩

玄參

一兩

前胡

大青

各三分

共八味搗篩每服三錢水煎去滓入芒硝末一錢攪
勻溫服如鼻中有瘡以生地黃汁少許滴入鼻中日

三五服不計時候若通利加芒硝不欲利去之

一捻金方 治尸咽及走馬喉痺或腦内生癰

雄黃

研

藜蘆 猪牙皂角

去皮子
各一分

三味搗研為散先含水一口用藥一米許搐鼻內即吐去水少時立效

咽喉中如有物妨悶

論曰喉者胃之系故咽主嚥物天氣通於肺故主通氣咽喉如有物妨悶者乃肺胃壅滯風熱客搏結於咽喉

使然故聖惠謂憂愁思慮氣逆痰結皆生是疾也

射干湯方 治咽喉中如有物噎塞不下

射干

升麻

紫苑

百合

各半兩

木通

一兩

赤

茯苓

桔梗

各三分

右七味每服三錢水煎食後溫服如要通利每服加朴硝末一錢同煎服

半夏木通湯方 治咽喉如有物噎塞飲食妨悶

半夏

湯洗七遍

木通

乾薑

各半兩

芍藥

桑根白

皮

共五味每服三錢入鹽少許煎溫服又一方搗羅為末鍊蜜丸如梧桐子大每服十五丸食後生薑湯下加至二十九

四物湯方 治咽喉中如有物嚙吐不利

半夏

薑汁浸一宿焙

厚朴

薑汁炙

陳橘皮

浸去白各一兩

赤

茯苓

二兩

共四味每服二錢入生薑三片同煎食後溫服

厚朴湯方 治咽喉中如有物

厚朴

薑汁
炙炒

赤茯苓

各一兩

半夏

洗七遍切
焙一兩半

紫

蘇葉

一兩

共四味每服三錢入生薑三片同煎食後溫服

石蓮湯方 治咽喉如有物噎塞飲食不下

石蓮 人參 杵頭糠

各一分

共三味每服三錢水煎溫服日二

杵糠丸方 治咽喉中如有炙鬱食即噎塞

確杵頭細糠二合

一味為末鍊蜜和丸如彈子丸每空腹含化一九微

微嚥津下

杏仁煎方 治肺胃壅滯咽喉中如有物妨悶

杏仁

湯浸去皮尖雙仁炒

桑根白皮

貝母

各一兩半

生薑

汁

二合

地黃汁

二合半

酥

兩半

大棗

六十枚去核

紫

苑

二分

甘草

炙

桔梗

炒

五味子

赤茯苓

去黑

皮

地骨皮

各一兩

人參

三分

共十四味研杏仁以水五升濾取汁將草藥細剉同煎至二升以綿濾去滓續下酥及地黃汁漫火煎成膏每食後含一匙細細嚥津

骨鯁

論曰用藥之法有不取於氣味特以意為用者若魚網虎骨之治骨鯁是也然網能制魚乃魚之所畏虎能伏獸乃獸之所畏其所制伏既不同則用之不異矣

治咽喉諸鯁輭骨散方

赤茯苓

陳橘皮

浸去白
各半兩

甘草

炙

縮砂仁

各一分

共四味為散每用二錢先摻口中次用新水一盞嚥下

馬勃散方

治骨鯁在喉中不出

馬勃

白礬灰

惡實

陳橘皮

浸去白
各半兩

共四味研為末漿水和丸如櫻桃大含化嚥津

橘皮丸方

治骨鯁在喉中不出

陳橘皮

去白
半兩

烏賊魚骨

去甲

沙糖

各一分

右三味搗羅為末鍊蜜和丸如皂子大綿裹含嚥

栗皮丸方 治諸骨鯁在喉中不出

栗子肉上皮

半兩
為末

乳香

鮎魚

各一
分

三味同研為丸如梧桐子大看骨遠近綿裹一九水潤外留綿線吞之即釣出

飴糖丸方 治諸魚骨鯁在喉中

飴糖

不拘
多少

一味為丸如雞子大吞之又漸作大丸子再吞即效
魚網散方 治諸魚骨鯁在喉中

捕魚網片一

一味燒灰研細每服一錢新水調下又以魚網覆鰓

人頭上即下

鸕鷀散方 治諸魚骨鯁在喉中

鸕鷀毛翅十片

一味燒灰細研每服一錢濃汁橘皮湯調下或以綿

裹含嚥即下

薤白嚼方 治諸魚骨鯁在喉中

薤白

一味嚼令揉取麤線繫之持線一端吞薤到鯁處引之即出

揉筋引方 治諸魚骨鯁在喉中

鹿筋

不拘多少

一味漬之令軟索如彈丸持一端吞之至軟處徐徐引出

虎骨散方 治諸獸骨鯁

虎骨

一味研細每服一錢水調下狸骨亦得

血餘散方 治食中髮鯁不下遠喉

亂髮

一團
燒灰

一味研為細散每服一錢粥飲調下

豬膏吞方 治諸鯁

豬膏

一味吞如杏核大未差再吞

螻蛄散方 治諸鯁并刺不出

螻蛄頭

一枚

一味為散以綿裹嚥津勿令鯁人知若刺不出者塗刺瘡上即出

治諸鯁方

右方用木炭皮為末研令極細如無炭皮但堅炭亦可粥飲調下二錢四五服以鯁下為度

誤吞諸物

論曰誤吞諸物若金銀錢鈎之類雖非病之自內然無術以出之久則害人若舊梳治髮磁石出針皆意為之治不特取其性味治藥之工可謂用心精微者矣

治誤吞針及箭鏃等方

肥豬脂肉

不拘多少

一味煮令熟、輒恣意飽食即下

治誤吞針方

磁石

一彈大

一味口含之即出

癭瘤門

五癭

論曰石癭泥癭勞癭憂癭氣癭是為五癭石與泥則因山水飲食而得之憂勞氣則本於七情之所感氣則隨之或上而不下或結而不散是也

治癭瘤海藻散方

海藻

一兩

昆布

一兩半

海蛤

木通

白茯苓

三兩

桂心 羊靨

十枚去
脂炙黃

右七味搗研為散非時溫酒下三錢夜再服

茯苓丸方 治氣結喉中蓄聚不散成癭

白茯苓

三兩

半夏

湯洗
去滑

生薑

二兩

昆布

海藻

各五
兩

桂心

陳橘皮

各一
兩

右七味為末鍊蜜丸如杏仁大常含化一粒細細嚥

津令藥氣不絕

諸瘤

論曰瘤之為義留滯而不去也氣血流行不失其常則形體和平無或餘贅及鬱結壅塞則乘虛投隙瘤所以生初為小核寢以長大若杯盂不痒不痛亦不結強方劑所治以治癭法同但癭有可鍼割而瘤慎不破爾

消腫散方 治骨瘤石瘤肉瘤膿瘤血瘤大如盂孟升

斗者三三十年不差致有膿潰令人骨消肉盡或

堅或軟或潰令人驚惕寤寐不安體中掣縮

烏賊魚骨

去甲

硫黃

各一分

白石英

紫石英

鍾乳

各半兩

乾薑

大黃

炒

附子

去皮臍

胡燕

尿

琥珀

各一兩

丹參

三分

共十一味為散貯以韋囊勿令氣洩若瘡濕即傳之
若瘡乾無汁者以猪膏和傅日三四易之以乾為度
若汁不盡者至五劑十劑止著藥令人不疼痛若不
消加芒硝二兩

神效散方 治項氣瘤結附贅日漸增長

猪羊靨

各三十枚旋入猪
膽內煎過令乾

陳橘皮

去白一兩

三味為散每服二錢空心米飲調下初結不過數服
覺消不用久服

瘰癧門

瘰癧枯核

論曰瘰癧枯核者由風熱毒氣蘊積肝經攻注筋脈毒
氣鬱而不散故項腋之間瘰癧結聚成核或如梅棗核
狀累累相連其證令人乍寒乍熱頭項強痛心神煩躁
蓋毒氣與氣相搏則榮衛不和使之然也

沉香湯方 治療癰毒腫

沉香 丁香 木香 麝香 連翹 黃芩

研各一分

各半兩

犀角

一兩半

升麻

一兩

每服五錢水煎溫服空心日午夜卧各一服

凝冰散方 治風熱毒氣項下結核及欲作癰疽瘡癰

發背等疾

菜豆粉 乳香

研各一兩

二味合研為散實人分作四服虛人分作八服食後

米飲調下就有核處一邊卧盡劑必差大消腫痛

內消方 治瘰癧腫結

蝸牛殼

不拘多少

一味搗為細散每服二錢空心米飲調下日再至四十九日自消

消毒塗方 治風熱結鞭腫赤疼痛及腮頰下忽結成核

大黃

二兩

景天

即慎火草

二味同研爛塗於患處日再傳

平肌散方

黃狗骨頭

燒灰

鯪魚甲

燒灰各一錢

亂髮

一團紙燒灰

三味研勻如瘡口已乾用白津唾調溼傅之日三四

次瘡即平愈

治療癰在項上結成顆塊及觸處但有結凝似作癰癰

急灸法

獨頭蒜

一斤

一味截兩頭去心作艾炷火與蒜稱貼癰子灸之勿

令破肉但取氣而已覺熱勿畏每七壯易蒜可至七
易取消

治五種瘰癧牡蠣散方

牡蠣

煨研

連翹

瓦上炒各一兩

二味為細散每服一錢臨卧無灰酒調下差後更服
一兩永不發

瘰癧寒熱

論曰甲乙經論瘰癧寒熱皆鼠瘻寒熱之毒氣留於脈

而不去上攻於項腋之間風熱毒氣與血相搏則榮衛不和故瘰癧而發寒熱也

連翹丸方 治療瘰癧寒熱結核在項腋之下堅痛

連翹

玄參

木香

升麻

各一兩半

大黃

蒸半兩

大麻子

別研微炒

昆布

各二兩

枳殼

麩炒一兩半

共八味搗羅為末鍊蜜丸如梧桐子大每服十五丸食前米飲下加至二十丸

木香消毒湯方 治療瘰癧連連大小寒熱煩悶

木香

大黃

生用各半兩

竹葉

乾者一分

連翹

一兩

獨

活

半兩

梔子仁

一分

共六味每服三錢水酒童子小便共一盞同煎溫服

療癰久不差

論曰風熱毒氣蘊積腑臟攻於筋膜則結為癰癰其毒氣所感深者則衝發肌肉令久不差此疾尤忌憂思恚怒氣血勞傷飲食寒冷

漏蘆湯方 治癰癰久不差將欲破者

漏蘆

半兩
洗焙

海藻

半兩

連翹

一兩

沉香

半兩

山梔子

仁

一分

玄參

丹砂

各三分

右七味搗篩每服三錢水煎溫服

烏雞丸方 治療瘕久不差

烏雞卵

一枚

錦貝子

二味將錦貝子入在雞卵內用濕紙裹頭七重再用泥固濟火煨過後入地坑內出火毒一宿取出研細入大黃末半兩麝香一錢同研細鍊蜜丸如菜豆大

空心蜜水下五十九不過五服效

連翹湯方 治療應不差敗肉生膿

連翹

犀角

各一兩

玄參

木通

黃耆

漏蘆

杏仁

去皮尖雙仁炒黃各一兩半

共七味搗篩每服五錢水煎食後溫服日三

聖濟總錄纂要卷十九

欽定四庫全書

聖濟總錄纂要卷二十

休寧程林纂

癰疽門

癰疽統論

論曰周官瘍醫與疾醫分職而異治凡有瘍者受其藥焉蓋非專門之學不足以深究博識故也人之氣血與天地同流經絡常數與晝夜同度一或壅而不通沮而

不利則血老不作汗肉陳不脫垢蒸氣不達癰疽內熱甚於焚溺治之不可緩是以喜怒憂樂之不時飲食居處之不節芳草藥石之發動內使陰陽不平而蘊結外致榮衛凝澁而腐化輕者起于六腑浮達而為癰外潰膚肉經所謂榮衛稽留於經脈之中血澁不行衛氣壅遏不通熱甚則肉腐為膿然不陷肌膚骨髓不為焦枯五臟不為傷損其皮薄以澤是也 重者發於五臟蘊結而為疽內消骨髓經所謂熱毒熾盛下陷肌膚骨髓

焦枯五臟涸竭當其病下良肉無餘其皮夭以堅上如牛
領之皮是也夫瘡腫之患莫大於癰疽明乎二者則凡
腫毒丹癰可以類推矣故證有淺深治有輕重若瘡發
之初湯液疏其內鍼石疏其外內外之治不同也五臟
內虛則平補內實則駛利補瀉之法不同也瘡發於虛
處則難差發於實處則易愈則其生有虛實之辯富貴
體逸危殆者多貧賤形苦困篤者少則其形有苦樂之
辨淺瘡若在厚處攻之易平深瘡欲在薄處達之易及

則肌肉皮膚有厚薄之辨脈見洪滑麤散其病難治脈見微澁遲緩其病易治則脈之與病有應否之辨凡癰之類其氣浮達宜灸病而不宜鍼烙凡疽之類其氣深沉宜針烙而不宜灸病此灸病針烙之異也淋射爛貼以清腫毒膏潤溫養以生肌肉此先後終始之序也昔人論癰疽病者惑於人神所在不可妄行鍼鍼刺見血不知神之與形固為休戚體既不平神焉能定內經癰疽不得頃時回恐內爛筋骨第通臟腑豈有人神之忌

即

癰疽所生忌穴

背面九處不可患瘡

第一入髮際為玉枕亦為舌本 第二項頸節

第三為崇骨 第四大椎為五臟 第五脊骨兩邊

肺俞穴 第六夾脊骨兩邊脾俞穴及肝俞穴

第七脊骨兩邊腎俞二穴 第八後必鳩尾穴

第九鳩尾骨穴

正面五處不可患瘡

第一喉骨為重鴈 第二當胸前為神舍 第三為
心鳩尾 第四當乳穴 第五臍下二寸為腸屈
之間

側面三處不可患瘡

耳下近耳後牙車尖夾陷中為喉脈一穴

當膊下下穴為肩骨 承山上三寸一穴為臑腸

辨癰疽證候美惡法

夫癰疽外發其理易明至於內癰內疽隱而不見目既
不接治之至難然五臟六腑有俞募雖結困於中而自
形於外外察其部內審其源定藥按方若拔芒刺然則
癰疽之發有五善七惡之證不可不察也 煩躁時嗽
腹痛渴甚或瀉利無度或小便如淋一惡也 膿血大
洩腫焮尤盛膿色敗臭痛不可近二惡也 喘麓短氣
恍惚嗜睡三惡也 目視不正黑睛緊小白睛青赤瞳
子上視者四惡也 肩項不便四肢沉重五惡也 不

能下食服藥而嘔食不知味六惡也 聲嘶色脫脣鼻
青赤面目四肢浮腫七惡也 動息自寧食飲知味一
善也 便利調勻二善也 膿潰腫消色鮮不臭三善
也 神彩精明語聲清亮四善也 體氣和平五善也
癰疽發背治有專門寒熱虛實善惡淺深陰陽臟腑
不深諳者恐多錯誤東坦曰少有差謬變症甚於傷
寒未可按方療治故一方不錄其餘一切癰癰瘡毒
則精選不遺也

附骨癰

論曰凡身體盛熱不可當風冷之氣入於肌肉則熱搏伏不得出故附著於骨而成癰也其狀無頭但腫而濶皮膚薄澤者以毒氣伏留于內故也法宜外散其寒內達蘊結之熱

治附骨癰方

新鼠皮

張一

一味看瘡大小裁貼日二次若出膿用豬脊脂貼

治附骨癰方

蓖麻子

去穀不
拘多少

一味研令細取塗癰上日三兩度即差

治附骨癰方

生地黄

取汁
一盞

一味用銀石器中煎如膏候冷塗傳腫上日三五度
即差

乳癰

論曰足陽明之脈自缺盆下於乳又衝脈者起於氣衝
並足陽明之經夾臍上行至胸中而散蓋婦人以衝任
為本若失於將理衝任不和陽明經熱或為風邪所客
則氣壅不散結聚乳間或硬或腫疼痛有核皮膚焮腫
寒熱往來謂之乳癰然風多則腫硬色白熱多則腫焮
色赤若不即治血不流通氣為留滯與乳內津液相搏
腐化為膿然此疾產後多有者以衝任之經脈上為乳
汁下為月水新產之人乳脈正行若不自乳兒乳汁蓄

結血氣蘊積即為乳癰又有因乳子汁出露風邪氣外
客入於乳內氣留不行傳而為熱則乳脹壅滯氣不疏
通蓄結成膿疼痛不可忍世謂吹乳速宜下其乳汁導
其壅塞散其風熱則病可愈

黃芩飲方 治乳癰初覺赤腫有異於常

黃芩 甘草

炙令黃

桑上寄生

炙

麥門冬

赤芍藥

防風

黃耆

炒各一兩

木通

半兩

右八味搗篩每服三錢入棗三枚同煎再入乳糖一

分更煎令消溫服三日早晨日午夜卧各一服

鯪魚甲散方 治乳癰疼痛結硬不可忍

鯪魚甲

燒灰
一兩

枯樓

一校
燒灰

二味研和為散每服二錢空心用葱調酒下

牡蠣散方 治乳癰初發腫痛結硬欲成膿令一服差

牡蠣

取腦頭厚
處生用

一味細研為散每服三錢研澱花冷酒調下如癰成潰者以藥末傅之仍更服藥一日三服

樺皮散方 治乳腫初發腫痛結硬欲成膿一服差

以北來真樺皮燒灰酒服方寸匕就病乳處卧及覺已

差

甘草飲方 治乳腫痛慮作癰毒

甘草

半炙令赤
黃半生用

栝樓

一枚去
皮取瓢

二味先以酒二盞煎甘草至一盞入栝樓瓢同絞和
勻濾去滓溫頓服未差更作服之

丹參膏方 治乳癰疼痛

丹參 白芷 芍藥

炒各二兩

三味以苦酒浸經一宿又取猪脂半斤微火上同煎之令白芷黃其膏成去滓以膏塗癰腫處差

乳香塗方 治乳癰

乳香

一兩為末

丹砂

半兩研末

葱白

三兩切

三味先研葱令細入二物末再研令勻塗傳乳上乾即易之

治乳癰結硬疼痛方

泥和芥菜

半斤

一味剉碎以水四升煮取二升傾於瓷瓶內熏乳腫處日三五度即差

治乳癰結硬疼痛方

和泥葱

半斤

一味細剉以水四升煮十數沸于瓷瓶子內盛熏乳腫處冷即再煖以差為度

連翹湯方 治吹乳乳癰

連翹

瞿麥穗

各一兩

升麻

生乾地黃

芍藥

各三分

甘草

炙一分

射干

半兩

玄參

三分

右八味細剉如麻豆大每五錢水煎溫服食後

腸癰

論曰腸癰為病其身甲錯皮膚急按之濡如腫狀腹無積聚身無熱或惡寒自汗其脈遲緊者膿未成可下之當有血脈洪數者膿已成不可下也

牡丹皮湯 治腸癰

牡丹皮

一兩

芍藥

生乾地黄

丹參

各二兩

桔

梗

炒

麥門冬

去心

薏仁

各一兩半

赤茯苓

甘草

炙

敗醬

各一兩

右十味搗篩為粗末每服用藥五錢入生薑五片同

煎空心日晚溫服

附子湯方 治腸癰

附子

去皮臍

敗醬

各三分

薏苡仁

一兩半

右三味咬咀如麻豆大每服三錢水煎空心日晚溫

服下膿血即差

大黃牡丹湯方 治腸癰

大黃

炒

牡丹皮

各二兩

桃仁

湯浸去皮尖雙仁半兩

芒

硝

研

冬瓜仁

三合

右五味搗篩粗末每服用五錢白水煎空心溫服以利下膿血為度

薏苡仁湯方 治腸癰

薏苡仁

一兩

牡丹皮

桃仁

湯浸去皮尖雙仁各一兩

瓜子

仁半
兩

右四味搗篩每服五錢水煎空心日晚溫服

胃脘癰

論曰內經謂人病胃脘癰者當候胃脈其脈沉細者氣逆氣逆者人迎甚盛甚盛則熱人迎者胃脈也逆而盛則聚於胃口而不行故胃脘為癰也夫陰陽升降則榮衛流通氣逆而隔則留結為癰胃脘癰者由寒氣隔陽熱聚胃口寒熱不調故血肉腐壞以氣逆於胃故胃脈

沉細以陽氣不得下通故人迎甚盛令人寒熱如瘧身
皮甲錯或咳或嘔或吐膿血觀伏梁之病亦有俠胃腕
內癰者以其裹大膿血居腸胃之外故也

射干湯方 治榮衛不流熱聚胃口肉腐壞胃脘成癰

射干

去毛

梔子仁

赤茯苓

升麻

各一兩

赤芍

藥

白朮

各一兩半

右六味㕮咀如麻豆大每五錢水煎入生地黄汁一
合再煎三沸溫服不拘時候日二服

麥門冬湯方 治熱氣留聚胃脘內結成癰

麥門冬 犀角 萎蕤 薺芩 赤芍藥 石膏

各一兩半 甘草 炙 紫雪 各一兩

右八味搗篩每服五錢水煎入竹瀝一合再煎二三

沸溫服

芍藥湯方 治胃脘蓄熱結聚成癰

赤芍藥 犀角 木通 石膏 升麻 各二兩 甘

草 生 朴硝 玄參 麥門冬 各一兩

去心

右九味搗篩每服五錢水煎溫服不計時候

附骨疽

論曰附骨疽者由風入骨解與熱相搏復冷溼所折風熱伏結不得發散蘊積成毒故附骨而為疽喜發於大節解間按之應骨皮肉微急隱在肌而不外見是也治之宜急稍緩則膿不得潰而肢體變青黯者不可治也漏蘆湯方 治附骨疽

漏蘆

去蘆頭

升麻

連翹

麻黃

去根節各一兩

防己

分三

大黃

半炒兩

木香

白斂

沉香

各三分

右九味搗篩每服五錢入竹葉七片同煎更入芒硝一錢攪勻空心溫服取利三兩行為度未利再服

敗醬湯方 治附骨疽

敗醬

兩

大黃

炒一兩

桃仁

兩

三味搗篩每服五錢先取皂莢刺一兩剉碎以水二盞煎至一盞半漉出下藥及朴硝一錢同煎空心溫服

內消小豆散方 治附骨疽

赤小豆

一合

糯米

炒黑
五合

二味為散水調如糊塗攤故帛上貼乾即易之

瘡腫門

諸瘡

論曰諸瘡皆緣風溼熱毒之氣種類甚多載之方書備矣然有俗名瘡本論未見採錄考之皆不離于邪氣逆肉理害肌膚者今隨症以治法附之雖田野下俚取而

用之判然可曉不必泥于誦襲也

露蜂房散 治頭面上無名瘡黃水不止

露蜂房 蛇蛻

各燒灰等分入膩粉少許拌勻麻油和傳

黃香餅 治鬢毛瘡在頭上初生如葡萄痛不止

川鬱金

錢五

川栢

兩一

乳香

分炙一

共末桃花水和作餅貼之

龍骨散 治髮際瘡初生如粟米大或痒或痛

白龍骨

胡粉

烏賊魚骨

去甲
五錢

鉛丹

沙紫
五錢

共研用鹽湯洗過貼之日二三次

海帶散 治緣脣上瘡

海帶

焙乾為末臨臥貼上二三宿即差

白龍散 治眼睛漏瘡目大眦出膿汁有孔子

龍腦

馬牙硝

五錢

菜豆粉

一錢

研極細用燈心蘸藥點之日四五

井中苔散 治徹耳瘡

井中苔 土馬駿

等分

焙乾共末麻油和傳患上日二

馬齒莧塗 治脣緊面腫

馬齒莧

去根洗淨搗取汁塗之冬月用末水和塗日二

麝香散 治鼻疳瘡侵蝕鼻柱

麝香

研

草烏

燒灰
三錢

共研勻乾搽日二三

百合散 治頤頰瘡一名獨骨瘡

百合 川栢 白芨 兩一 蓖麻子 五十粒

共研用朴硝水和作餅貼瘡上日三五次

紅粉散 治粉鈴瘡繞頸項赤爛多汁

蜜陀僧 煨 白龍骨 煨五錢 胡粉 二錢 鉛丹 炒紫一錢

共研油和塗日三

芙蓉傳 治腮腫痛或破或瘡

芙蓉葉

取生者爛搗如泥傳之帛繫一日換

敗蹄散 治天柱瘡生脊大椎上如錢大赤色出黃汁

不止

驢蹄

刀削二十片燒炒

胡粉

熬一分

麝香

少許

共研末破用米醋麪糊和成膏塗上已破乾摻日二

諸惡瘡

論曰內經云諸瘡瘍皆屬心諸溼腫皆屬脾蓋心主血

脾主肉也由體虛受風溼邪毒與氣血相搏故發瘡也
甚者焮腫滿痛潰而多汁或形體為之壯熱稍緩不治
則毒氣內攻難以療也

麝香散 治一切惡瘡久不差

麝香

當門子
二枚

丁香

木香

紫檀香

一分

乳香

沒藥

炙五
錢

共末用雞子清和勻入殼內飯上蒸熟晒乾研分六
服茶飲下日二

膩粉乳香散 治一切惡瘡久不差者

膩粉

錢二

乳香

錢一

葱白

一根
煨熟

共搗爛攤帛上貼之三日一易差

二黃散 治一切不測惡瘡年深不愈

大黃 川連 山梔 白芨 青黛 連翹

錢五

共末水和塗

白香散 治一切惡瘡久不差

楓香脂 膩粉 防風

一分

共研末用甘草水洗過傳上痛立止

蛇床子散 治一切惡瘡久不差

蛇床子 賦粉 硫黃

一分

共末用麻油和傳日二

反花瘡

論曰瘡生惡肉久則反出瘡外故名曰反花瘡其初如飯粟破之血出餘毒尚熾惡肉隨生根深而膿潰皆風熱毒氣所作

甘草塗 治反花瘡

甘草

半生
半炒

白枯礬 人中白

煨

蜜陀僧

錢五
煨

共研為細末用童便慢熬成膏煎葱椒水洗過傳上
日三五次差

胭脂塗 同上

胭脂

一兩

胡粉

兩半

共研勻以鹽湯洗過乾塗日三次差

藜蘆傳 同上

藜蘆

研為細末

雄豬脂

一兩

化豬脂入末和成膏塗患上日三五次

柳槐煎 同上

柳枝葉 槐枝葉

細剉各二升用水五升煎減半去滓煎如稠飴塗患

上日三五

浸淫瘡

論曰心惡熱若風熱蘊于心經則神志躁鬱氣血鼓作

發于肌膚而為浸淫瘡也其狀初生甚微痒痛汁出漸以周體若水之浸漬淫洩不止故名曰浸淫其瘡自內而出流散四肢者輕以毒氣外出故也從四肢反入于內則重以毒氣內入故也

升麻湯 治心有風熱淫瘡偏體

升麻 大黃 片苓 白芍 枳實 甘草

兩一

川歸

錢五

水煎五錢入燈心一把空心溫服日二

鯽魚塗 治瘡癬浸淫

生鯽魚

三四寸長者一尾

香鼓

一合

搗極爛塗瘡上日二易

雄雞冠血塗 忽得浸淫瘡不早治遶身周匝則能殺人

雄雞冠血

性烈雄大者

用針活取血塗傳瘡日三五次即差

燕窠傳 治浸淫瘡久不差

胡燕窠

取向東方者為細末用葱椒水洗過傳瘡上日二三效

苦楝根傳同上

苦楝根及皮

燒灰研細用豬脂和傳瘡上日二三

下注瘡

論曰足三陰之脈脾腎肝之經也并起于足大小指之內循足跗內踝前上膝脛中若風溼毒氣乘之則榮衛枯澁稽留不行氣脈下注于脚膝脛間故令皮膚腫軟

結核成瘡膿水不絕綿歷年歲愈而復發以毒氣自上而下如水之注故名曰下注瘡

枳殼丸

治毒氣下注脚膝脛皆瘡

枳殼

去白炒
二兩

懷生地

五加皮

防風

二兩

羌

活

一兩

黃芪

三兩

共末入蜜杵丸如梧桐子大空心酒下二三十丸日

二

蚯蚓泥散

治下注瘡久不差

蚯蚓泥

韭菜地上燒赤研一兩

膩粉

一分

麝香

五分

共末用葱湯洗過乾傳

白黃散 同上

白枯礬

一分

川連

五錢

膩粉

一錢

共研勻以雞子白和塗患上日二

鯽魚散 同上

鯽魚

去鱗腸一尾三四寸大

川連

五錢

鉛丹

胡粉

蜜陀僧

煨赤研一錢

共末入魚肚內纏扎用泥固濟燒赤出火毒研末入
豬膽汁和傅日二 此方亦治惡毒瘡

蒜灰散 治一切惡毒風溼瘡下注血氣冷新肉不生者

蒜

大者
百頭

去皮根苗切片暴乾入小鐵鍋內淨盆蓋之用鹽泥
封固不令透氣以火鍊成灰出火毒研細乾傅瘡上
日二此治冷惡瘡最妙若熱毒惡瘡不可傅傅之肉
反爛開故也

冷瘡

論曰形不足者溫之以氣氣能養形故也周官瘍醫掌腫瘍潰瘍金瘍折瘍有五氣養之法蓋以氣不足則血不行血不行則經久不差所謂冷瘡是也蓋諸瘡既潰風冷之氣客于榮衛傷於肌肉故令瘡冷而不痛痒俗謂之冷癰治宜溫肌養心淋瘀除膿則愈

二黃散 治冷瘡不愈

雄黃 雌黃 定粉 膩粉 蜜陀僧 乳香

兩

灸一

兩

共研末入生蜜和傅日二

葱白湯蒸法 治一切瘡風冷腫痛皆因瘡腫生于水

中及風所致若腫脹入腹則能殺人

葱白

薤白

半斤

川椒

香豆

二合

川芎

一兩

防風

二兩

共粗搗用長瓷瓶內藥入水三升以故帛紙數層封口緊縛重湯煎熟取孔通氣以瘡當氣口上射之令瘡出黃水盡即止日二次

月蝕瘡

論曰月蝕瘡小兒多有之蓋由嗜肥甘榮衛不清風溼
毒熱之氣蘊積腑臟其瘡多生於兩耳及鼻面間并下
部諸孔竅側侵蝕之甚則潰爛黃赤汁流達于筋骨月
初則瘡盛月晦則瘡衰以其隨月盈虛故名之月蝕瘡
或謂小兒以手指月而生未必盡然

水銀膏 治月蝕瘡多在耳上及竅傍隨月盈虛者

水銀

分一

胡粉

與水銀研
不見星

松脂

川連末

錢五

豬脂

兩四

熬脂化香去滓再熬入銀粉攪勻以鹽湯洗過傳瘡

上日二三

酥粉塗 治月蝕瘡

蟾酥

五錢

胡粉

一兩

共研塗瘡上日二三

又方 治卒得月蝕瘡

地龍尿 豬脂

和塗患上日三次差

凍爛腫瘡

論曰經絡氣血得熱則淖澤得寒則凝滯冬月嚴寒氣血凝聚不流則皮肉不溫瘡竹音凍焮赤痛腫而成瘡輕則潰爛重則損壞肢節也

白斂散 治大人小兒凍手皴裂成瘡

白斂末

分三

白芨末

錢五

油麻

生二合
搗

萊菔子

合二

同爛研酒和塗日二

猪懸蹄膏 治手足凍瘡血出痛苦者

猪後懸蹄

夜半時燒灰存性研末以猪脂和膏成傳上日二

雉腦膏 治凍面耳并手足凍瘡年年發者先痒後痛

腫破黃水及血出不止

雉腦

雄者一枝搗

黃蠟

同上

麻油

減半

慢火熬去滓收成膏塗傳日二三

羊肉湯洗 治凍瘡腫痒

羊肉 葱白

丰片

用水煮取汁頻洗日二三差

川椒湯 治寒凍面目手足肉裂

川椒

炒

白芷 防風 食鹽

一分

川芎

三分

水煎頻洗湯冷煖之

尸脚方 治人足在冬月常裂名曰尸脚

雞屎

炒一升

用水三升煮五沸去滓漬洗足裂處冷即易之以差為度

牛膠散 治寒凍足跟破裂出血疼痛

牛皮膠

燒灰研末津唾和塗

癰瘡

今之膿窠瘡

論曰癰瘡者疥瘡之類由風熱溼毒客搏于皮膚之間變化生蟲其狀生于皮肉之處手足尤甚赤根白頭相對並生狀如小豆或若茱萸子浸淫痒痛抓之汁出折裂成瘡此蓋脾肺壅滯風溼乘之與熱相搏結聚而成治宜疏滌於內傳藥于外并淋洗之類次第以治

藜蘆膏 治癰瘡經久蟲出

藜蘆 枯礬 松脂 雄黃 二兩 苦參 兩半 猪脂

半斤

共研末用脂熬末攪勻塗瘡上日二

胡粉膏 治癰瘡經久不差

胡粉 三兩 水銀 二兩 皂莢 十挺水浸搽取汁一斤

慢火熬汁五合入銀粉攪勻塗瘡上日二

雄黃膏 同上

明雄黃 川連一兩 片苓 明松脂二兩 亂髮灰

一分 雄猪脂六兩

用脂熬令髮盡去渣入末攪勻塗患上

蝦蟇灰塗 治溼癩瘡

乾蝦蟇一隻燒灰研 髮灰各等分

猪脂和塗日二

漆瘡

論曰漆雖有毒性有所畏毒即中之亦有氣適然相近

者凡中毒輕痒始于面而胸臂胫膈應之頭面腫起赤
延于目搔之隨手生瘡癰已而細瘡如粟重則偏身作
瘡小如麻豆大若桃李紅赤腫焮異常痛楚旋差旋發
如火病之狀是也

鐵漿飲 治漆瘡

鐵漿

用蜜絹濾過隨量飲之即差

又方 同上

柳葉

生者
三斤

用水一斗煮汁頻洗差

芒硝湯淋洗 同上

芒硝

五兩
研

用滾湯入硝浸洗日三次差

又方 同上

豬脂

熬化頻塗瘡上

蟹黃塗 治漆瘡焮腫痛楚

生蟹黃

用之頻塗瘡上乾即易之

雞子黃塗 同上

雞子

取黃頻塗乾易差

四和膏 治漆瘡偏身焮赤腫痛

麻油

松脂

二兩

桂心

末

黃蠟

一兩

用油化脂蠟入桂末和塗

川椒湯 治漆瘡

川椒

水煎湯頻洗之差

湯火瘡

論曰水火之氣當因其勢而利導之夫湯火所傷毒熱方熾通導而洩其氣可也苟救目前痛楚遽以冷物淋搨則熱毒寒氣內搏致有爛骨傷筋之患非熱氣本然

湯火之傷本非氣血所生病故治不及於湯液特在乎塗傳膏汁專治其外而已

清涼膏 治湯火傷

生山藥

洗淨去皮爛研如膏傳瘡上痛立刻即止且無瘢痕

雞黃塗 同上

雞子黃

將雞子煮熟用黃慢炒取油入膩粉攪勻傳上無瘢痕

戊己散 治湯火瘡大熱腫痛

乾牛糞

燒灰存性為末用生麻油和塗日二次差

又方 同上


好米醋

用醋傾淨土上取醋泥傳之日二次立刻止痛無癍痕

又方 同上

側柏葉

將葉燒灰存性羅過用生蜜和塗日二三差



聖濟總錄纂要卷二十